

* P * V * I * S *

* 1 * 6 * 2 * 4 *



- I. Paraphrasis Psalmi LXXXII M. Zachariae Wennenezeri
- II. Psalmi Davidici 121. 91. 125. 124. Gregorij Bersmanni.
- III. Oratio de Christo recens nato Joachimi Flemingi
- IV. Lessius Casareus Cyriaci Herdesiani sup obitum Rudolphi Imperatoris
- V. Soteria Dn. Johanni Georgio Saxonum Duci Academiae Wittebergensis.
- VI. Votivus applausus Dn. Hug: Principi Anhaltino administrationem principatus Cisalpinii suscipienti Frederici Theodori Gorlicio
- VII. Theophrastus in qua ad Dn. Augustum Principem Anhaltinum Thomazij causa servestam nerezum M. Petri a Jena.
- X. Epithalamium Marci Frederici Wendelii ad Dn. Augustum Ducem Brunovicensem.
- II. Epithalamium ad eundem principem Jani Cremeri.
- III. Ecloga Gregorij Bersmanni Rudolpho Principi Anhaltino sponso scripta.
- XI. Theophrastus in qua ad Dn. Rudolpho Princ: Anhaltino scripta a Collegis Scholae Servestanae.
- XII. Epicedium in obitum Dn. Rudolphi Princ: Anhaltini Abrahami Cremeri.
- XIII. Strena Poetica Christophori Heroldi.
- XIV. Querele Saravictoris et Biomea.
- XV. Gregorij Bersmanni in pontem sablicium Debaensem Carmen Graecum.
- XVI. Joachimi Flemingi Piculum Scholasticum.
- XVII. Abrahami Vrici Diagrapha Laboris Scholastici.
- XVIII. Coronis Collegio Disputatorio et Oratorio imposita.
- XIX. Typus Depositionis Scholasticae Frederici Widebrami
- X. Bulla Amuletum M. Bloey.
- CI. Oda honoribus Dn. Danielis Burchardi Dn. Johannis Christophori Hartmanni. Dn. Philippi Meudligeri. Dn. Matthaei Coleri Doctorum scripta.
- XXII. Gratiarum Actio M. Johannis Copperij post Magistrum autum pronuntiata.
- XXIII. Epigramma in Cerevisia Servestane Danielis Burchardi.
- XXIV. Dehortatio a Calumnijis
- XXV. Germania ad Principem epistola Ad: Martino Pratorio.
- XXVI. Votum Scholae Veraliensis
- XXVII. Theophrastus in qua ad Dn. Johannem Stunium.
- XXVIII. In honorem Magistrum Dn. Johannem Guac
- XXIX. Trizinta Jeverum M. Christiani Galli Italio-Saxonis.
- XXX. Adami Forweroy Frederici Steseris Ernesti Wulstorgij.
- XXXI. Eorundem
- XXXII. Juvenum 37. M. Theophili Carisseri
- XXXIII. Johannis Cremeri.
- XXXIV. In honorem Notarii Valerij ni Gelani.
- XXXV. Strena anagrammatum quadrifida Christophori Heroldi.
- XXXVI. In nuptias Dn. Wolfgangi Amlingi 4. V. D.
- XXXVII. Eiusdem Johanni Amlingi Nicolai May.



AS L
Sacrum Nuptiale.

M. GEORGII THEODORI,

Reverendi & Doctiss. Viri

Dn. BALTHASARIS Primarij

in Ecclesiâ Gorlic. Ministri per annos

undetriginta meritissimi p. m. F. &

Ecclesiæ Friederstorffianæ Pasto-

ris fidelissimi,

SPONSI,

&

puḍicissimæ Virginis

MARTHÆ,

Integerrimi Viri

MARTINI GERLACHII

civis Gorlicensis, filix,

SPONSÆ,

Ad diem 8. Jan. An. 1618. celebratum, & Fautorum,

amicorum & propinquorum gratulationibus

exornatum.

G O R L I C I I

Iohannis RhaMbae typI eXCV Debant.

Quid tibi, SPONSE, precer? tibi pau-
ca, ast magna precabor:
THARIADÆ gazas, HENOCHIDÆq;
caes.

GREGOR. RICHTERUS,
Gorlicensis.

Ad Dn.
M. GEORGIUM THEODORUM
&
MARTHAM GERLACHIAM
Spons.

Pubis eras cultor, nunc ad majora vocaris:
Salvificâ Christi est voce colendus ager.
Tu sere dona Dei, sit Martha levamen amaris:
Sit nec ager frugis, sit nec egena domus.

M. Elias Cüchler P. C.
Rector.

IN SPARTAM ET MARTHAM.

Εὕγε Φίλ', ἀμφοτέρω καὶ χᾶρε μάλ' ἔνεκα δῶρα
Ἐκ θεῶ ἐρχομένω τῷ ἐτί σοι ὑψόθεν αὐτῶ,
Ἴρῆς τε Σπάρτης, καὶ Μάρθης εἰδὲ ἀρίστης.
Εὕγε Φίλ' ὦ ΘΕΟΔΩΡΕ; περιπλομένων ἐνιαυτῶν
Τέκνασ' ἀμφοτέρωσ' ἔψαυ, ἔξοχα χάρων,
Αἰδεσίμω τ' ἐφάμιλλ' ἔων πατρὶ τῷ μακαρίσῳ.

Ταῦτα μὲν εὐχεσθαι ἐμόν ἐσι, θεῶ δὲ δίδουθαι;
Εὐχομένω μοι κλυθὶ διδῶς τάδε δῶτορ ἑάων.

M. Johannes Ludovicus.

A ij

AD



AD
Dn. M. GEORGIUM THEODORUM,
Patrum meum,
SPONSUM.

M. ELIAS THEODORUS,
Pastor in Deutsch-Ossing.

Εὐνὴ γὰρ ἀνδρὶ ἢ γυναικὶ μορσίμη.

SUADENTUR, dissuadentur connubia frustra:
Qua fieri fatis largiter ipse probas.
Hic viduam tibi dilaudat, moresque jugales:
In qua quis periit non bibo, dicis, aquâ.
Virgo meum ad gustum, mores qua ferre meos scit:
Cuique animi illæsus perstat in ore pudor.
Ergo hanc ille tibi, iste tibi prædestinat illam:
Ceu res arbitrii solius ista tui.
Nequicquam. Fors MARTHA tuas, MARTHA, insonat
Perque aures proni pectoris ima petit. (aures;
Cor salit. ignotam tacito igne peris: modò nosse
Auditæ liceat virginis ora rogas.
Evênit; spectanda datur: pol, protinus inquis,
Aut nulla, aut hæc sit, si qua futura mea est.
O Deus hujus me damna voti! rata vota:
Spondetur thalamo MARTHA petita tuo.
Et quisnam fatis jungi velit ire negatum
Desponsos? fatis, fœmina virque probant.
Mitia fata novos-nuptos junxere: vovemus,
Sint deinceps nuptis mitia fata novis.

Quam

Quàm benè conveniunt, lectoq; morantur in uno
Uxor gnava domo, vir datus atq; Deo!

Quàm benè conveniunt, lectoq; morantur in uno
Cum Theodoro uxor conjuge Martha suo!

Tu, THEODORE, Tuæ Theodorus adesto marita:

MARTHAq; in amplexus sedula Martharuet.

Ista lares etenim curabit provida nutrix:

Tu si munus ages nocte dieq; viri.

Munus ages; sociam affectu, curaq; vicissim

Explicitâ, & stabili nosse fovere fide.

Sed neq; Te officium, nec agendi utrumq; voluntas

Deficit: à Jovâ nomen & omen adest.

Quis neget ergo Tuas a vibus cœpisse secundis

Tedas; felices, quis neget, usq; fore?

Benè precatus

Dn. ad finis suo scribb.

M. Martinus Mollerus.

Jocus Nuptialis.

TE quoniam victo, Cypris, THEODORE, triumphat,
Incensumq; suo jungit amore jugo:

Non puto, quàm Veneris, quod sit vis fortior ulla,

Et magè quæ ledant spicula, quàm CYPRIDIS,

Quodq; Cupidineus sit inevitabilis arcus,

His tandem telis saucius ipse doces.

A iij

Hinc

*Hinc quod miles atrox non audet, id audet amator:
Audiat ut nemo & quod cavet, audet amor.
Nunc amor ergò tuus quæ audebit, ut audiat alter;
Quàm tu, vel videat, quam tua sponsa, cave.
Sed cur celabis quod amas, vel amare vicissim:
Legitimus siquidem non prohibetur amor.
Et frustra nimius pudor hunc celabit amorem,
Quem si non mensis deteget, annus erit.
Itunc & tacitum simulans Abstemiùs æstum,
Si forsàn poteris facta negare, nega.
Vagitus certè geminum triplicabit amorem,
Celatig³ prius testis amoris erit.
Sed ne sine Focus careat, sit clausula Votum:
Fine quod hic vester sit cariturus amor:
Vester amor plus mellis habens quàm fellis, ut unquam
Non fuit, est & erit, qui sine felle torus.*

Petri Scorleri GorL.

FATUM CONJUGALE.

E*Nfatum, frater! cunctis ex fratribus unus,
(Qui de Balthasaro sunt genitore sati)
Unus ego patriæ extorris peregrinus in oris
Ascaniis vivo sic statuente Deo.
Et Servesta mihi fato servavit honores
Et templi & thalami, fors dabit & tumuli.*

Nempe

Nempe solum baud cunctis licet incoluisse paternum:
Multis externâ sors sua floret humo.
Sed te spirantem & sperantem hic munia templi
In patriam retrahit provida cura Dei:
Atq; scholæ cathedram, mox templi rostra recludit:
Jamq; parat thalamum pronubus ipse Deus.
Quam nunquam vitæ sociam tibi finxeris, ecce
Ingreditur thalamum Martha pudica tuum.
Non hæc eveniunt trini sine Numine Jovæ:
Res est divini plena favoris amor.
Onimium felix, ô terq; quaterq; beatus!
Quem beat è calis gratia trina Dei.
Ne mihi, ne quisquam fatum hoc velit isse negatum:
Adducit Sponsam cui libet ipse Deus!
Fata regunt homines: Fati mirabilis ordo:
Ofatum, Fatum hoc qui negat esse Dei!
(Ergò datam dio Fatorum munere sortem
Consortemq; tori, Sponse beate, cape.)
Ergò tibi triplici Fatorum nomine grator
De patriâ atq; toro gratulor, atq; choro.
Patria te patrio foveat pia semper amore:
Sit sine lite torus, sit sine lite chorus.
Hæc precor, ô Germane, tuas me visere tædas
Sparta, locus, morbo languida membra vetant.

Melchior Theodorus Servestæ
ad B. Bartholomæi (ut vocant)
verbi divini minister f.

Dia-

Dialogus Nuptialis

CASTORIS & POLLUCIS.

P Sponse, quid insanis, quis te malus abstulit error,
Ex una in geminas quod juvat isse scholas?
Nam crucis & lucis sacra a palestra vocantur
Fœdera sacra tori, munia sacra chori.

C. Insanus non sum, nec me malus abstulit error:
Sic fuit in fatis: namq; gemellus ego!

P. Spargere cur potius cœlestis semina verbi,
Quàm, juvat, in patriâ delituisse scholâ?
Cur juvat indulgere sacris, juvat usq; morari?

C. Sic fuit in fatis: namq; γεωργός ego.
A teneris sensime ad munia sancta vocari,
Munia ruricolis equiparata viris.

P. Rura quoq; oblectant & agri te cura colendi?

C. Sic fuit in fatis: namq; γεωργός ego.

P. Cur geminum voluit te, frater, Jova Georgum?

C. Sic fuit in fatis: namq; gemellus ego.

Alter ager cœlestis **HOMO**, terrenus at alter:

Cœli anima est, terræ corpus, utrumq; Dei.

Ceu semen, sub humum sic corpora nostra seruntur:

Salvificum semen portio dia capit.

Agri cura mihi placeat pecorisq; colendi:

Sed prior aeternæ cura salutis erit.

Humani nihil exstat humi quod non sit humanū:

Natus humo sub humum rursus humatur ho-

(mo.

Altius

Altius ergò polo assurgat vis Enthea mentis:

Vivitur in cælis: cætera humantur humo.

P. *Ante alias cur MARTHA placet, cur MARTHA pla-*

C. *Sic fuit in fatis: namq; γεωργός ego. (cebit?*

Mille trahit secum curas & mille labores

Agrorum & gemini cura laborq; gregis.

MARTHA domi gnava est, studiosa est MARTHA ma-

MARTHA mihi privæ gnara magistra rei. (riti,

Seu me fortè premet res dura, domestica cura:

Sedula MARTHA mihi grande juvamen erit.

Seu me prima premet, curarum cura docendi:

Sedula MARTHA mihi dulce levamen erit.

Sive pedes laqueo Satanae tentante trabentur:

Relligiosa mihi MARTHA juvamen erit.

Seu me dura premet, seu me fors optima tollet:

Omnibus auxilio MARTHA subire potest.

Seu celebrare Deum precibus cantuq; juvabit:

Tunc pia MARTHA mihi dulce juvamen, AMEN.

Rebus in adversis pia mens & grata secundis,

Hac verè dici vita beata potest!

O fortunatum nimirum, tua si bona noris

Agricolam! ô Sponsam suscipe dōga Θεῶ.

O fortunatam nimirum, tua si bona noris

Sponsa; tuum Sponsum suscipe DOROTHEUM.

Gaude & plaude tuâ sorte & consorte, GEORGI!

MARTHULA chara tua est; MARTHULA chara caro.

Tincta genas niveo, misto, candore, rubore,

MARTHULA tingenda est, chartula chara, tibi!

B

Gaude

*Gaude & plaude tuâ sorte & consorte GEORGI!
Meg, beet simili sorte J E H O V A, vove.
Dissimile in nobis nihil est, paria omnia, solo
Differimus numero: nos duo namq; sumus!
Vivite Nestoreos concordēs suaviter annos:
MARTHA domûs esto firma columna tua.
Et templi & thalami & patriæ tibi grator honores:
Sit fecundus ager sitq; secundus ager.
Sponse, tibi triplicis sit agri nova cura colendi:
Mundus ager Domini, MARTHA novellus ager.
MARTHULA tot producat ager benè cultus aristas:
Tres (novares!) tulerunt quot genitoris agri.*

Fratri suo charissimo *εὐνομήσιαν*
ex animo precatus f.

Fridericus Theodorus GorL.
Scholæ Cament. Conrector.

U*Nanimis nuper voluit, Theodore, Senatus
Te Christi sacrum ritè docere gregem.
Nunc tibi connubio viridem sociare puellam,
Et blandam sobolem gignere cura sedet.
Euge placet, placet ista tua sententia mentis,
Quæ connata bonis mentibus esse solet.
Nempè hoc te pacto cupis assimilare Parenti,
Et patriæ magnum currere laudis iter.
Ille Dei præco meruit præclarus haberi,
Commiffasq; almo nectare pavit oves,*

Ille

Ille parens multos vidit natosq; nepotesq;
Inservire Scholis, qui valeantq; Sacris.
O fortunatum Patrem, qui divite cornu
Multa solo fudit commoda, multa polo.
Et te felicem laudati patris alumnum,
Qui Genitori equis passibus ire studes.
Scande bonis avibus Cathedram, castumq; cubile,
Aspiret captis aura secunda tuis.
Fac numerosa colas magno plantaria celo,
Fac videas socij pignora multa tori.
Sic pastoris ages munus, fidiq; Parentis,
Sic geminae laudis candida puncta feres.
Amoris & honoris ergo faciebat

Gregorius Scheffer.

NON aurum, smaragdové, Jaspidasvé,
Sed pium, THEODORE, mitto votum;
Votum quod smaragdus potest & aurum
Suâ vincere dignitate: quodq;
Jaspidas pote vincere, & Beryllos.

Rector Nobilis hujus Universi,
Quem Sacrum celebrat labos virorum
A mirâ Bonitate & Æquitate,
A vi Consiliiq;, Judiciiq;, &
A cunctarum Opulentitate rerum,
Tot donet tibi, Sponse, Faustitates:
Tot donet tibi, sed Beatitates,

B ij

Sponsa

Sponsa mustea, blandicella Sponsa,
Quot optare sibi ipse Faustitates,
Quot optare sibi Beatitates
Possit optumus unà & impetrare
A Regum Domino, Deûmq; Rege.

An non curticulis tibi phaleucis
Plus ego, THEODORE, sum precatus,
Quàm si carmina mille protulissem
Rerum inania, nulliusq; succi?

Amoris & honoris
ergò f.

Johannes Major Scholæ
GorL. Collega.

ESto profane procul, procul esto quisquis Jesu
Verba professuris conjuga sacra vetas.
Obliget illa pios nunquam lex impia, non vos
O Christi mystas obliget illa, rogo.
Conjugium vobis sit sacrum: ducite sponsam,
Ducite, non etenim est res mala conjugium.
Hunc pudet esse hominem, si quem pudet esse maritum:
Esse pudet sponsum, quem pudet esse pium.
Hoc tecum semper reputans, venerande Magister
Friedersdorficolum gnarus & Eusebia.

Euse

Eusebia illius quæ homines cœlestibus alis
Scandere subvectos templa beata docet.
Hoc inquam reputans Martham tibi jungere tentas
Lilia quæ vincit, quæq; nitore rosas.
Marthula quæ tua, te pectusq; & lumina pascit,
Quæ tua te totum surpuit una tibi.
Ergò fatalis cum cœlo effulgeat alto
Lux thalami: est numeris Musa datura preces.
Nam quæ thura Deo exigua litat æger acerrâ
Non minus ac patula reddit a lance iuvant.
Persarum Regi dum sors meliora negaret,
Ruricolæ palmis hausta probatur aqua.
Et mea Musa tibi tantum debere fatetur,
Quantum vel ditum solvere nemo potest.
Sunt equidem benefacta in nos scio magna parentum;
Sed præceptorum his sunt meliora tamen.
Illi ut vivamus faciunt tantummodò: verum
Hi quoq; vivamus quæ ratione docent.
Ergò quanta alimenta animi meliora caducis,
Tantum doctorum laus quoq; major erit.
Sic sensit Macedo Boreæ vastator & Euri:
Sic sensere alij: sentio sic & ego.
Atq; tuo letus divino grator amori:
Ut nunquam moveat bella rebellis amor:
Ista Deo grata est sociæ conjunctio vitæ:
Quæ fit sublatâ tristis amaror amor:
Gratia vos junxit, vos mutua gratia firmet:
Hæc lux est thalami: sera sit astra tumuli.

Chronodistichon continens annum,
mensum & diem nuptiarum:

*LVX Vbi IanVarII CæLo bIs qVarta reLVXIIt:
Martha GeVrgI tVnC IVngItVr eCCe tIbI.*

Gregorius Teschnerus
scholæ patriæ alumnus.

Votum.

STrenua strena Tibi his Jani, Theodore, Calendis
Cum venit in thalamum sponsa pudica, datur.
Nil mea Musa Tibi, præter gratantia vota,
Addit: quæ faciat pondus habere Deus.
Exulet à vestris procul hinc Morbonia tectis:
Pax alis cingat candida Diva torum.
Det Deus, ut multos annos numerare queatis;
Et vestram multâ prole beare domum.
Unanimi Tibi sit concordi & pectore juncta;
Quæ fax virginei lausq; decusq; chori.
Digneris, Deus omnipotens, plura addere paucis;
Et mea multiplices vota favore tuo.

Adponebat gratitudinis
ergo

Theophilus Schöffnerus
Scholæ Gorlicensis tum
temporis alumnus.

Spon-

Sponsus Sponsæ.

Delicia, mea MARTHA, mea, mea magna voluptas,
Constantes dulci redde in amore vices.

Sponsa respondet.

Wein solt ihr sein vnd bleiben /
Alhie in dieser Welt:
Es sol vns niemandt scheyden /
Dann Gott / wenns ihm gefelt.
Ob vns schon viel thun heyden /
Wer achts? Den preys behelt
Gotts Segen / vnd vns bleibet:
Dem sey alls heimgestelt.

Idyllion ad Dn. Sponsum.

Clavem, Sponse, quidem gestas cum nomine: jure
Papa autem proprio legitimoq; gerit.
Quod si Papa suum repetat gestamen a vitum:
Quî poteris sponsa vir bonus esse tuæ?
Sin tamen obtineas Papâ indulgente: fatere;
Clavis materies æs ne sit anne caro?
Si caro; dic sodes, Hymenæo & dignus abibis:
Hæc clavis tentet quam reserare seram?

Placentinus de Boncompagnon.

F I N I S.

[Faint, illegible text, likely bleed-through from the reverse side of the page]



Id 4206
g

ULB Halle

3

004 167 287



f
Sb

Sik. 18 u. 25 nicht in FICA,
da Hschr. +90


8-14


24 VD 17

10. Aug.
Jul. 01

M







ale,
EODORI,
s. Viri
s Primarij
stri per annos
i p. m. E. &
na Pasto-
ACHII
lia,
atum, & Fautorum,
atulationibus
I I
XCV Debant.

